

# IGISABO NEWSPAPER

Patriotism, Truth to fight against  
Injustice



No 15


Ukuboza, 2020

Igiciro 500

## Perezida Kagame yijeje ubufatanye Cardinal Kambanda, asaba Kiliziya Gatolika gukomeza kurenga amateka



**abantu n'ibigo 10 batanze Service  
nziza mu mwaka wa 2020**



**Abayobozi n'ibigo bya Leta  
bagaragaje gutanga Service nziza  
mu mwaka wa 2020**



**Imyitwarire  
idahwitse ya  
Padiri Nahimana  
ayikomora he ?**



**Burundi : Bateye  
intambwe mugutsura  
umubano n'abo bari  
barashwanye**

**Menya amateka  
n'ibigi bya  
Joseph Robinette  
Biden Jr**



**Imirwano muri Tigray : Sobanukirwa impamvu z'iyo  
ntambara ihuza abavandimwe bo muri Ethiopia**



# Perezida Kagame yijeje ubufatanye Cardinal Kambanda, asaba Kiliziyi Gatolika gukomeza kurenga amateka

Perezida Paul Kagame yijeje ubufatanye Antoine Cardinal Kambanda ku nshingano nshya aheruka guhabwa maze asaba Kiliziyi Gatolika mu Rwanda gukomeza gutera intambwe iganisha kurenga amateka mabi yanyuzemo.

Ni mu ijambu yavuze ku cyumweru taliki ya 6 Ukuboza 2020 ubwo yitabiraga Misa yo gushimira Imana yabereye muri Kigali Arena, nyuma y'ibirori byabereye I Roma kuwa 28 Ugushyingo 2020, Arkiyepiskopi Antoine Kambanda agirwa Cardinal wa mbere w'u Rwanda na Papa Francis.

Perezida Kagame avuga ko ari umunsi abanyarwanda bafite ibyishimo byo kuba Kiliziyi Gatolika y'u Rwanda ibonye Cardinal w'umwana w'u Rwanda, wagiye uzamuka mu ntera kugeza ubwo Nyirubutungane Papa Francisco amugiriye icyizere akamushyira mu bajyanama be ba hafi.

Avuga ko icyo cyizere gishingiye ku bushishozi n'umurava Cardinal Kambanda yagaragaje mu butumwa bwe mu Rwanda, akanerekana ko ashoboye kugeza umusanzu we kuri Kiliziyi yo ku Isi yose.

Perezida Kagame kandi agaruka ku mubano w'u Rwanda na Vatican wafashe intera ishimishije, bityo ashimira Papa Francis wakomeje kugaragaza ubushake bwo kuwunoza ndetse "akosora ibitarunganye mu bihe byahise kandi bitari bikwiye kuba birimo nk' amateka ya Jenoside yakorewe Abatutsi mu 1994, aho Kiliziyi Gatolika mu Rwanda yagiye ishinjwa kuyigiramo uruhare, kugeza ubwo Papa Francis aheruka kubisabira imbabazi.

Agira ati "Ibyo Papa Francis ntabikorera u Rwanda gusa. Biragaragara ko abikora n'ahandi ku Isi hose. Ibyo rero nta wabura kubimushimira. Turagushimira nawe Cardinal Kambanda uwego ugezeho, kandi turizera ko uzafatanya n'abo bashyize imbere gukorera Kiliziyi neza,



**Perezida Kagame mu gitambo cya misa yambere ya Cardinal Kambanda. (Photo/ Net).**

gukorera ighugu cy'u Rwanda neza, gukorera Abanyarwanda neza."

Perezida Kagame akomeza agira ati "Ni ishema n'icyubahiro kuri we bwite, ariko kand ni ibyacu nk'u Rwanda n'abanyarwanda twese, ndetse tutitaye cyane ku buryo twemera imyemerere ijyanye n'amadini. Iyo umunyarwanda azamutse mu ntera kubera ubushobozi n'umurimo mwiza akora cyangwa yakoze, yaba mu gihugu cyangwa ku rwego mpuzamahanga, twese turushima. Icyizere yagiriwe n'agaciro yahawé, ubwo natwe biba ibyacu."

Perezida Kagame yavuze ko mu mateka maremare Kiliziyi Gatolika ifite mu Rwanda, yabaye umufatanyabikorwa mu mibereho y'Abanyarwanda haba mu burezi, ubuzima no mu iterambere muri rusange. Asaba ko ubwo bufatanye bukomeza ndetse bukwiriye no guhabwa imbaraga nshya uko hagenda haboneka abayobozi mu zindi nzego.

Akomeza agira ati "Iby'uko ayo mateka y'u Rwanda n'aya Kiliziyi hagiye haba rimwe na rimwe ibitaragenze neza cyangwa ingorane zitandukanye, ndetse biza no guhungabanya ubuzima bw'ighugu, ibyo ntabwo ariyo twashyira imbere. Ngira ngo ibyo twabivanyemo isomo. Twumvise icyabuze icyo gihe, ubu turashakisha

icyo aricyo cyose cyatuma bitasubira, kandi tugatera intambwe mu bundi buzima bwubaka ubufatanye kandi bwubaka ighugu, bwubaka n'abantu bagituye."

Avuga ko yizeye ko Cardinal Kambanda azahera no ku mateka ye afite inyigisho nyinshi ku bibi byaba byakozwe bitari bikwiriye, mu kubaka icyerekezo gishya.

Agira ati "Ubu turi mu nzira y'ibikorwa byiza no mu bufatanye, imyaka ishize makumyabiri n'indi, iyo nzira tuyimazemo ighi. Gushaka gukora ibyiza, ubufatanye, kubaka, ntabwo bigira ubwo bihagarara. Nta n'ubwo bigera ighi kandi ngo abantu bumve ko bageze ku byiza byose bashakaga. Ni ibintu rero tugomba guhora dukora buri gihe cyose.

Ariko kandi intambwe imaze gutterwa, dukomeze dutere izindi ntambwe kugira ngo tugere ku ntego yo kubaka abantu, ubuzima, amadini, amatorero, leta, twese dufatanye tugerageze dukore ibyiza dukwiriye kuba dukora kandi dusitemo inyungu, kandi tukabikora twumva ko buri wese akwiye kubyibonamo ndetse akwiye kuba yumva ko yatanga umusanzu we, kuko abifitemo inyungu, bitari ibya bamwe cyangwa abandi."

Perezida Kagame Avuga ko agendeye ku bushake Papa Francis agaragaza, nta cyatuma hatabaho ubufatanye

ngi ibyiza bishyirwemo imbaraga, ibibi bisigare inyuma.

Cardinal Kambanda nawe yakomoje ku nshingano yahawé

Cardinal wa mbere mu Rwanda, Antoine Kambanda ashimira cyane Perezida Paul Kagame kuba yarifatanyije na Kiliziyi Gatolika mu gitambo cya Misa yo gushimira Imana, hamwe n'ubutumwa yamwoherere bukaba bwaramwubatse amaze gutorerwa kuba Cardinal.

Avuga ko uko Imana yatumye Umuhanuzi Isaie ku muryango wayo wari mu makuba, ko ari nako nyuma y'amakuba u Rwanda rwahuye nayo, Nyirubutungane Papa Francisco yahaye u Rwanda Cardinal, akamutuma agira, ati "nimuhumurize umuryango wanje, mubwire umurwa Yeruzalemko ubucakara bw'icyaha n'urwango, inabi n'amacakubiri, birangiye."

Avuga kandi ko nyuma yo guhabwa ubu-Cardinal ku wa 28 Ugushyingo 2020, bagiye gusura Papa Benedigito wa XVI uri mu kiruhuko, bamubwiye ko Kambanda ari uwo mu Rwanda, ariko n'ubwo ageze mu za bukur abasha kwibuka ko ari ighugu gifite abantu bababaye cyane.

Agira ati "dutege amatwi abakristu, dutege amatwi abantu, twumve akababaro kabo, tubahumurize. Bayobozi mu nzego zose, mutege amatwi abo moyobora. Mwumve akababaro kabo, mubahumurize. Ababyeyi namwe barezi, mutege amatwi abana kandi n'urubyiruko, mwumve akababaro karwo. Impungenge zabo n'ubwoba bwabo, mubahumurize. Ihumure intumwa y'Imana ituma gutanga, ni ukumenyesha umuryango w'Imana ko Imana ibakunda byahebuje."

Cardinal Antoine Kambanda avuga kandi ko no mu gihe abantu bari mu makuba bagomba gukomeza kwiringira Imana, kuko itajya ibatererana ku buryo bagera aho bajya mu byaha bashaka kwirwanirira.

Agira ati "Kenshi usanga abantu bahinduka bavuga ko

ari uburyo bwo kwirwanaho ndetse bakagirira abandi inabi kubera inyungu zo gushaka kwirwanaho, ariko iyo umuntu yizera Imana, akemera ko Imana imuzi, imukunda kandi imwitaho, akora ibyo agomba gukora mu bunyangamugayo, kuko aziko Imana ihari, atari wenylene. N'yo hari ushatse kumubangamira cyangwa no kumugira nabi, ntabwo bituma ahemuka, kuko aba azi ko imana ihari, imurinda kandi umurengera."

Cardinal Antoine Kambanda ubaye Umujyanama wa Papa wa mbere ukomoka mu Rwanda mu myaka 120 Ubukristu bugeze mu Rwanda, yavutse ku itariki ya 10 Ugushyingo 1958, avukira muri Arkidiyosezi ya Kigali muri Paroisse ya Nyamata mu Bugesera, afite imyaka 62.

Amashuri abanza yayigiye i Burundi no muri Uganda. Amashuri makuru yayakomereje muri Kenya, arangiriza amasomo ya Tewolojiya mu Iseminari nkuru ya Nyakibanda muri Diyosezi ya Butare.

Mu ruzinduko rwamaze iminsi ibiri Papa Yohani Pawulo II wamaze kuba Umutagatifu, yagiriye mu Rwanda mu 1990, ku wa 8 Nzeri yahaye Ubusaserdoti Abadiyakoni 31, mu misa yabereye i Mbare, mu Murenge wa Shyogwe mu Karere ka Muhanga, bakaba barimo na Antoine Kambanda.

Ku itariki ya 3 Gicurasi 2013 nibwo Papa Francis yamutoreye kuba Umushumba wa Diyosezi ya Kibungo. Intego ye ni "Ut vitam habeant" bivuze ngo 'Bagire ubuzima'.

Mu Ugushyingo 2018 nibwo Umushumba wa Kiliziyi Gatolika ku isi, Papa Francis, yemereye Musenyeri Thadée Ntihinyurwa wayoboraga Arkidiyosezi ya Kigali, kujya mu kiruhuko cy'izabukuru, amusimbza Musenyeri Kambanda Antoine, wanayoboraga Diyosezi ya Kibungo ubu akaba mugihé gito ahise azamurwa ku ntera yo kuba Cardinal, umurimo afatanya no kuba umujyanama wa Papa.

# Ijambo ry'ibaneze

## Covid 19 igomba gutsindwa burundu

Umwaka wose urashize, isi n'abayituye bari kurwana banahanganye n'icyorezo cya Covid 19, indwara yazanywe na Virus igahabwa izina rya Corona.

Cyakora n'ubwo bimeze bityo, Abanyarwanda abanyarwanda bakaba bashimirwa kuba baritwaye neza kubirebana no kuyikumira kuyirwanya muri rusange bisunze inama nziza z'abayoboz b'ighugu, batahwemye kubashishikariza kuyirinda no kuyikumira, basobanurirwa ko ari icyorezo ariko cyoroshye kukirinda.

Zimwe mu nama zatanzwe, arizo gukoresha agapfukamunwa n'amazuru igihe cyose, gukaraba intoki neza n'isabune, gusiga intera ihagije hagati y'umuntu n'undi n'ibindi byinshi byafashije abanyarwanda kugira ngo hatagira abandura ari benshi.

Icyagaragaye muri rusange ni icy' uko n'ubwo abasaga ibihumbi 6 bamaze kuyandura, ariko n'abasaga ibihumbi 5 nabo barakize, bikaba aribyo gushimira Leta y'u Rwanda yakoze ibishoboka byose abanduye baktabwaho uko bikwirye.

Inkur igezweho mu isozwa ry'umwaka wa 2020 ni uko urukingo rwa Covid 19 , ruri gukozwaho imitwe y'intoki.

Ministeri y'ubuzima iherutse gutangaza ko u Rwanda ruzafta iya mbere mukugura urwo rukingo nirutangira gukoreshwa.

Ni inkuru yakiriwe neza n'abanyarwanda aho bizera, ko nta kabuza iyo ndwara izaba igeze mu marembera yayo nk'uko nibindi byorezo nk'iseru, Mugiga, ubushita n'ibindi byagiye bibonera umuti n'ababishinzwe bikaza gucika burundu ku isi.

Gusa icyo abanyarwanda basabwa ni ubukomeza kwirinda hbahirizwa ingamba zose zo kuyirinda kugira ngo urukingo ruzasange abantu barashyizeho akabo mukwirinda no gukumira icyorezo.

- Ubwanditsi

## "Uranium" na "Lithium" isigaye ari imari ishyushye ku Isi yabonetse mu Rwanda

Kimwe mu bintu bikunze kwitabwaho iyo umuntu agiye kugura telefone, harimo no kumenya igihe iyo telefone ishobora kubika umuriro. Kubika umuriro igihe kirekire biterwa n'ubushobozi bw'imbikamuriro (batterie) yay, kuko ni yo ituma telefone ibasha gukora, bityo mu gihe yashizemo umuriro nayo nta kindi wayikoresha.

Si telefone gusa ikenera batterie kugira ngo ibashe gukora, hari n'ibindi bikoresho byinshi ndetse muri iki gihe bitangiye kwiyongeraho n'imodoka cyangwa moto zikoresha amashanyarazi zatangiye no kugera ku isoko ryo mu Rwanda.

Birumvikana ko batterie ari igikoresho cy'ingenzi gifite umwnya munini mu bikoresho dukenera mu buzima bwacu bwa buri munsi, cyane ko hari n'abafite "batterie" zitanga ingufu z'amashanyarazi, bakaba ari zo bifashisha bacana cyangwa bakora ibindi bikorwa bikenera amashanyarazi.

Niba udakoresha kimwe muri ibyo bikoresho ushobora kuba wenda wambaye isaha, cyangwa se ukaba ufite "telecommande" cyangwa radio, byose bijyamo amabuye, imashini ukoresha irimo "batterie", hari n'ibindi byinshi, byose twashyira mu rwego rwa "batterie".

Ibyo bikoresho nkenerwa mu buzima bwa buri munsi bikorwa hifashishijwe amabuye y'agaciro ya "Lithium", niyo avamo "batterie" zikoresha ingufu za "Lithium" nyine, ari nayo ibyo bikoresho byose bikoresha.

"Lithium" ni imari ishyushye ku Isi muri rusange, kuko atari ibihugu byinshi biyifite mu butaka bwayo, usanga uko iminsi itambuka igenda inarushaho kongera agaciro, kuko ikenewe cyane kuko yifashishwa mu gukora "batterie" z'ibikoresho byinshi bikenerwa mu buzima bwa buri munsi, kandi ikaba itaboneka henshi.

Ibihugu byayivumbuye kare, ubu byatangiye kuyivomamo agatubutse, kuko ni amwe mu mabuye y'agaciro nkenerwa cyane mu iyi minsi, mu bihugu biza imbere mu kugira "Lithium" nyinshi ku Isi harimo Australie, Chile, u Bushinwa, Argentine, Zimbabwe na Portugal.

Kuri ubu u Rwanda narwo rwamenye iby'iryo bang a ndetse mu bushakashatsi bwagiye bukorwa, bwagaragaje ko mu bice bitandukanye byo mu gihugu hashobora kuboneka "Lithium" ndetse ishobora no gutangira gucukurwa hamwe na hamwe.

Umuyobozi Mukuru w'Ikigo cy'Ighugu gishinzwe Ubucukuzi



**CEO wa RMB, Francis Gatare.**

bw'Amabuye y'Agaciro (RMB), Gatare Francis, yahamirije Itangazamakuru ko ubushakashatsi bwakozwe bwerekanye ko mu Rwanda hari ahantu henshi haboneka "Lithium", ndetse ko hari n'aho iri ku kigero cy'uko ishobora no gutangira gucukurwa.

Ati "Lithium irahari yarabonetse henshi, turakomeza kuyikorera ubushakashatsi kugira ngo noneho nimara kuboneka aho igwiriye izashobore gucukurwa ku buryo bwongera umusaruro."

Yongeyeho ati "[Aho imaze kugaragara] ni henshi, hari no kugaragara ku buryo ishobora gucukurwa, mu karere ka Muhamma, Ngororero mu bice bya za Gatumba, Iburasirazuba za Rwamagana ndetse na Bugesera, hose yagiye ihagaragara igisigaye ni ukuvuga ngo ingana iki? Ni nyinshi bingana iki? Ni nziza mu buhe bwoko?"

Gatare kandi yakomeje avuga ko amabuye y'agaciro ya Lithium ari amabuye afite agaciro gafatika cyane ku isoko mpuzamahanga, ukurikije icyerekezo ibihugu byinshi biri kuganamo.

Ati "Lithium ni amabuye y'agaciro afite agaciro gakomeje cyane uyu munsi ku isoko mpuzamahanga, iyo urebye icyerekezo ibihugu byose birimo kuganamo cyane cyane gukoresha ama- batterie yaba ari mu modoka cyangwa mu mashanyarazi."

Yongeyeho ati "Ni ukwitondera rero uburyo icukurwa n'uburyo itunganya, kugira ngo ako gaciro katazatakara mu gihe hirya no hino ku isi bahagurukiye gushaka aho bayikura."

Umuyobozi Mukuru wa RMB, yavuze ko kuri ubu bari gushaka abashoramari bafatanya kugira ngo ubucukuzi bwayo bukorwe mu buryo bubyara umusaruro yitezweho.

Ati "Bisaba ishoramari ariko hari inzego, bitangirana n'ubushakashatsi noneho ukabona gucukura, ariko ugomba gucukura uzi n'aho uzayitunganyiriza. Turimo rero gushaka abashoramari twaganira na bo bafite ubwo bumenyi n'ubushobozi twashobora gufatanya kugira ngo igihe uburenganzira bwo kuyicukura bwatanzwe habe hari n'uruganda rwashyizweho rwo kuyitunganya."

Yavuze ko kugeza ubu n'ubwo hari henshi imaze kugaragara ndetse biboneka ko yatangira no gucukurwa, ngo nta muntu urahabwa uburenganzira bwo kuyicukura mu gihe hakigwa k'uburyo bizakorwamo bugatanga umusaruro.

Ati "Ntabwo twari twagera kuri urwo rwego niyo mpamvu kugeza uyu munsi nta muntu turaha uburenganzira bwo kuyicukura, kugeza igihe izo ngamba zo kuyitunganya no kuyicuruza zashyizwe mu bikorwa."

Uretse "Lithium" byamaze kwemezwa ko mu Rwanda ihari ndetse yanatangira gucukurwa, hari andi mabuye y'agaciro nayo bitaremezwa neza ko yaba ahari, nabyo bisaba ubushakashatsi kuko nayo akenewe ku isoko mpuzamahanga.

Ayo arimo nka "Uranium" yifashishwa cyane mu gutunganya ingufu za nucléaire, cyane ko u Rwanda ruherutse gusinyana amasezerano n'u Burusya yo gutangiza ikigo cy'ubushakashatsi n'ikoranabuhanga mu bumenyi bujyanye n'ikoreshwa ry'ingufu za nucléaire, no kubaka uruganda rutunganya ingufu za nucléaire mu Rwanda.

Ayo masezerano avuga ko izi ngufu zazifashishwa mu bikorwa bya gisivili birimo iby'ubuvu nko kuvura indwara za kanseri hifashishijwe uburyo

**Komeza ku rup.4**



Igisabo Newspaper Tel: +250 788871368,  
Email: igisabonews1@gmail.com  
Website: www.igisabo.rw

**EDITORIAL TEAM**  
**PUBLISHER/ DIRECTOR**  
Edouard Niyonkuru  
**EDITOR:** Alain Muhire  
**JOURNALISTS:**  
Uwimana Sonia  
Hope Janviere Uwitonce  
Eric Ndayisaba  
Raoul Nshungu  
Matata Christophe  
Christian Ngirishuti

# Abantu n'ibigo 10 batanze Service nziza mu mwaka wa 2020

N'ubwo bwose umwaka wa 2020 watangiranye n'ibibazo by'ubukungu bitewe ahanini na Covid 19 yaje itunguranye igahagarika ubuzima na bimwe mu bikorwa bya benshi, bamwe mu bikorera ku gitit cyabo bakomeje gukorana neza m'ubunraribonye bwabo nabo bagezaho Service. Bityo bakomeza gutanga service nziza mubyo bakora uko bikwiriye umunsi ku uwundi.

Mu itohoza ikinyamakuru Igitabu cyakoze, benshi mu basomyi n'abakunzi bacyo, hari abo bashimiye ibikorwa byabo byiza, ahanini bikaba bigamije gufasha abaturage kugerwaho na serivisi nziza z'ibyo bakora n'ubwo bwose igihugu cy'u Rwanda n'isi muri rusange cyarwanaga na Covid 19 irikugenda ariko inacyendera mu Rwanda.

Nyuma y'iryo tohoza, abantu 10 barimo n'ibigo by'abikorera bashimwe kuburyo bukurikira:

**1 .Dr Nyirinkwya Jean Chrysostome.** Ni Umuganga kabuhariwe w'indwara z'abagore n'abana, akaba ayoboye ibitaro bya la Croix du Sud i Kigali. Ababajijwe benshi bamushimiye ko n'ubwo ibihe bitari byoroshye yakomeje kwita kubamuganaga uko bisanzwe maze imiti n'ibindi bikoresho ntibyagabanuka.

Ikindiba mushimira ni uko ngo yaguye amarembo y'ibitaro bye ashira ishami ryabyo i Rubavu,

agamije ahanini korohereza abo mu Ntara y'I Burengazuba bamuganaga ari benshi ndetse n'abaturanyi bo muri Congo, bakaba barahaje ari benshi nabo bamugana ngo bahabwe ubuvizi buboneye.

## 2. Sina Gerard Nyirangarama.

Uyu ni Rwiyemezamirimo umenyerewe mu dushya twa buri gihe muri Ets Urwibutso Nyirangarama. Yashimiwe cyane n'abantu batandukanye uburyo yagiye afasha abamuganaga mu bihe bya Covid 19 maze akababonera ibibabatunga muri ibyo bihe bitari byoroshye, ari na ko kandi atanahwemye gukomeza gukora ibiribwa n'ibinyobwa bikenerwa na benshi, ahanini



n'urubyiruko rwifuza kwiyegeurira Imana.

## 3. Rusirare Jacques.

Uyu Rwiyemezamirimo w'ibihebyose, Indashyikirwa mu basora, washinze akaba anayobora uruganda rwa AMEKI Color. Yashimiwe n'abanyarwanda benshi kuba yarafashe iyambere, ubwo bimwe mu bikorwa bitandukanye byakomorerwaga kongera gukora, maze akegerezza ibikoresho bitandukanye abubatsi kugirango abanyarwa ndabarushe hogutura heza barangwa n'isukui keshejwe n'amarangi ya AMEKI Color, amarangi bivugwa ko ariyo yambere muri kano karere u



agamije kudacibwa integre na Covid 19.

Ikindi yashimiwe Bwana Sina Gerard Nyirangarama, ni uburyo yabaye uwa mbere mu bafite amashuli yigenga wahise yakira neza abanyeshuli mu mashami atandukanye kugirango nyuma y'amezi 9 bicaye, bongere bakarishye ubwenge. Ibyo kandi ngo akabikora atanaretse guha akazi abaturage benshi imirimo igamije kubabonera ibibatunga ndetse bakabona n'amafaranga y'amashuli y'abana babo. Yongeye gushimirwa kandi na Kilizya y'igitangaza yubakiye abanyeshuli be n'Abakristu bo kuri Nyirangarama, ubu akaba yaratangiye gujya ategura



Rwanda ruherereyemo.

Bwana Rusirare kandi yongeye gushimirwa uburyo akomeje kuba Indashyikirwa mu basoraneza mu Rwanda, akaba amaze imyaka irenga 16 yicaye ku ntebe y'icyubahiro cy'umuntu usora neza kurusha abandi mu Rwanda.

**4. Dr Kanimba Pierre Celestin.** Ni Umuganga w'inzobere

**Komeza ku rup. 5**

## "Uranium" na "Lithium" isigaye ari imari ishyushye ku Isi yabonetse mu Rwanda

### Ibikurikira rup. 3

bwo kuyishiririza (radiothérapie), zikifashishwa kandi mu gutanga amashanyarazi, mu bijyane n'ubuhinzi n'ubworozi ndetse n'ubucukuzi bw'amabuye y'agaciro.

Gatare yavuze ko hakiri intambwe yo kuba mu Rwanda hashobora gucurwa "Uranium" mu, ari avuga ko ishobora kuboneka nke ikuwa mu mabuye asanzwe acukurwa.

Yagize ati "Amabuye y'agaciro akomoka mu Rwanda, yaba ari Gasegereti, yaba ari Coltan, yaba ari Wolfram, akunze kuba arimo "radiation" ya "uranium" ariko na "thorium"."

Yongeyeho ati "Nibyo rero mu Rwanda yaba uranium irahari, yaba thorium irahari, ariko ntabwo yari yakorerwa ubushakashatsi ngo umenye ngo iki ni ikirombe cyayo uyishatse wajya kuyicukura hariya."

N'ubwo bimeze bityo, Gatare yavuze ko hari uburyo ibonekamo ivuye muri ayo mabuye asanzwe acukurwa, ariko

ko idahagije, gusa ngo hari icyizere ko ishakishijwe ishobora kuboneka.

Ati "Cyakora abagura gasegereti mu Rwanda, abagura coltan mu Rwanda, bibasaba y'uko bagomba kubanza kuyiyungurura bakanayikuramo n'iyo uranium, n'ubwo aba atari nyinshi yakoreshwa mu ruganda, cyakora uwazayishaka bakayikorera ubushakashatsi, ndizera y'uko yaboneka."

Gusa nk'uko Gatare yakomeje abivuga, ngo kuri ubu nta bushakashatsi burakorwa cyangwa buri gukorwa bugambiriye gushaka "Uranium" mu Rwanda.

Kuri ubu, mu Rwanda ubucukuzi bw'amabuye y'agaciro nibwo buza ku isonga mu byinjiza amafaranga akomoka mu bicuruzwa ku isoko mpuzamahanga, uyu mwaka wa 2020 bitemanyijwe ko azinjizwa avuye mu bucukuzi bw'amabuye y'agaciro agera kuri miliyari 500 Frw.

Source-igihe

# Abantu n'ibigo 10 batanze Service nziza mu mwaka wa 2020

## Ibikurikira urup. 4

ukunzwe n'abantu b'ingeri zinyuranye mu Rwanda, akaba ayoboye ibitaro bya La Medicale, biherereye mu mujyi wa Kigali hafi ya St Paul. Benshi bashimira Service nziza itangwa n'ibitaro bye, ku buryo bavuga ko ari uwa mbere mukuvura indwara z'abana mu gihugu, bitewe ahanini n'abaganga kabuhariwe b'inzoberere babarizwa mu bitaro bye.

Ashimirwa cyane nawe uburyo yitaye kubarwayi muri bino bihe bya Covid 19 bitambutse, ndetse akaba yaragiye agaba n'amashami y'ibitaro la Medicale mu Ntara kugira ngo abarwayi b'ingeri nyinshi babonere hafi Service bifuza.

Benshi baganiriye n'ikinyamakuru igisabo, ubwo twasuraga ivuriro la Medicale, bavuze ko ubwitonzi n'umutima mwiza Dr Kanimba agaragariza abamugana, bigaragaza umuganga nyawe wo kwizerwa kuko ngo ashyira mu bikorwa amahame y'umwuga wo kuvura yize.



## 5. Me Kavaruganda

**Julien.** Ni umuyobozi w'urugaga rw'abavoka mu Rwanda. Uyumugabo w'umuhanga muby'amategeko ukomoka ku umubyeyi nawe w'umunyamategeko warwanyije cyane ingoma z'igitugu zayoboye uru Rwanda mu bihe bishize akanabizira akaba yibukwa nk'intwari, ashimirwa n'abantu benshi kuba yarabashije gushyira ku murongo abanyamategeko bafasha abantu benshi mu manza zitandukanye, kugirango ahanini babashe gukiranuka n'amategeko

baba bagonganye nayo. Me Kavaruganda, ashimirwa cyane kandi kuba akunze kugira uruhare rukomeye mu kubonera ababuranyi batishoboye, kubona m'uburyo bworoshye ababunganira mu nkiko, kugirango ubatabera burusheho kwimakazwa no gushinga imizi mu Rwanda. Ku bw'imikorere ye myiza kandi Me Kavaruganda, banamushimira ko hifashishijwe imisanzu yabagize urugaga bashishije kugura inzu y'umutamenwa I Remera, izajya ikorerwamo imrimo itandukanye. Nyuma y'ibi byose, abavuganye n'ikinyamakuru Igisabo, benshi bahamije ko ubuhanga n'ubwitonzi uyu munyamateko afite, n'uburyo yakira neza abamugana byose, bimushyira kurwego nk'urw'uwanwibarutse, bityo akaba Umwizerwa mu gihugu hose.

**6. Eng. Rutagarama Aimable.** Ni Rwiyemezamirimo uyoboye Hotel Palast Rock hotel




mu Bugesera.

Benshi bashimiye uyu Rwiyemezamirimo unazobereye mu by'ubwubatsi, Service nziza irangwa muri Hotel ayoboye bituma abantu benshi basigaye bakorera imyisherero n'inama bitandukanye mu Bugesera ahanini babitewe n'uburyo Hotel Palast Rock Hotel yakirana abayigana urugwiro.

Benshi kandi bakamushimira,

bavugako muri kino gihe cya Covid 19, atigeze ahwema kwakira neza abakiliya bamugana, ndetse ngo kubera kuganwa n'abantu benshi baturutse n'I Mahanga, yahisemo kubashyiriraho n'ikigo cya Tourisme gifasha ba mukerarugendo kugera aho bifuza mu gihugu hose bitabagoye.

**7. Makuza Patrick.** Uyu ni Rwiyemezamirimo uyoboye uruganda rwa Rwanda Foam rukora matela za mbere mu Rwanda, akaba n'umuhungu w'umusaza Makuza Bertin washinze Rwanda Foam umaze imyaka irenga 4 atabarutse. Abaganiriye n'ikinyamakuru igisabobensi bamushimiye uburyo yabungabunze neza imitungo yose yasizwe n'umubyeyi we afatanyije n'abavandimwe be kuburyo abanyarwanda bakomeje gushimishwa n'ubwiza bwa Matela za Rwanda Foam, bivugwa ko n'abanyamahanga benshi bibazana hano mu Rwanda kuzigura ari benshi. Service kandi zitangirwa muri MP Plaza, na AMEGERWA byasizwe n'umubyeyi we zikaba zikomeje gushimwa na bose Bikavugwa kandi komuri bino bihe bishize Matelaza za Rwanda foam zakenewe n'abantu benshi bitewe ahanini n'uko bari bafite umwanya wo kuruhuka bihagije birinda gukora ingendo zitari ngombwa



m'urwego rwo kwirinda Covid 19.

**8. Dr Methode Dereva.** Kimwe n'abandi bafite umurage

mwiza w'ababyeyi, uyu ni Rwiyemezamirimo, akaba umwana wanyiri Dereva Hotel iri mu mujyi wa Rwamagana. Ashimirwa ko m'ubumenyi buhambaye afite, yabashije kubyaza umusaruro uhagije ibyasizwe n'ababyeyi be afatanyije n'abavandimwe bakabasha kunguka Nobleza Hotel iherereye ku Kicukiro, ikaba ishimirwa na benshi gutanga Service nziza kubayigana. Uyumugabo w'umuhanga kandi no mu kuvura indwara zitandukanye, kino gihe cya Covid 19 akaba ngo yaragaragaje uburyo yita ku buzima bw'abaturage by'umwihariko, akaba yarabafashije kubonera hafi Service z'ubuzima no mu kwivuza, abashyiriraho ivuriro yise UBUMUNTU, riherereye mu marembo ya IPRC mu mu Karere ka Kicukiro.

**9. Hill Top Hotel.** Iyini Hotel y'ikitegererezo mu gutanga Service nziza kubayigana ikaba neza iri mu marembo y'umujyi uva neza ku kibuga cy'indege cya Kanombe. Yashimiwe n'abantu benshi kuba ari Hotel itarigeze ihagarika ibikorwa byayo na gato, ahanini kuko yifashishwaga mugufasha abakekwaho ibimenyetso bya Virus ya Corona, kugirango bakurikiranirwe hafi n'abaganga maze bahabwe ubutabazi. Benshi bashimira kandi iyi Hotel ko ibikesheje abakozi b'inararibonye ndetse na nyiri Hotel witangira akazi ke uko bikwiriye, akaba yaranakuye abaturage ba Remera Giporoso mu bwigunge ku buryo babimushimira, bakananyurwa no guturana na Hotel Hill top, inatanga imrimo



# Abayobozi n'ibigo bya Leta bagaragaje gutanga Service nziza mu mwaka wa2020

**N**yuma y'uko ikinymakuru Igisabo kibajije abaturage uburyo bagiye bahabwa Service nziza na bamwe mubikorera ku giti cyabo ndetse n'ibigo byigenga.

Hari benshi rero badusabye no gukora ubushakashatsi ku bayobozi n'abakozi ba Leta bakunzwe n'abaturage muri uyu mwaka wa 2020, ndetse n'ibigo biyishamikiyeho cyangwa bigaragara ko bakiriye neza ababagana, bityo bigatuma abaturage bagerwaho na gahunda zose bifuzaga.

Icyagaragaye muri rusange ni icy'uko abaturage bifuzu ko ibibakorerwa bajya babanza kubigiramo uruhare na cyane ko aribo biba bikorerwa.

Bifuaza ko abayobozi cyane cyane abo mu nzego z'ibanze barushaho gukorera mu baturage kurusha kwibera mu biro ari nayo mpamvu abatanze amanota bashingira bashingira kenshi ku muntu babone ko abageraho agamije kubafasha no kubumva ku bibazo bafite.

Nyuma yo kubaza abantu b'ingeri zitandukanye abatanze Service nziza bakurikiranye kuri ubu buryo :

## Uwa 1. Ministiri Shyaka

**Anastase.** Ni Ministiri w'Ubutegetsi bw'iighugu. Uyu muyobozi ukunze kumva neza ibibazo by'abaturage akanabikemura uko bikwiriye, yashimiwe n'abaturage uburyo amaze kuzana impinduka nziza muri Ministeri ayoboye mu gihe gito ayimazemo.



Benshi bamushimiye uburyo afatanyije n'inzego z'ubuzima nk'ushinzwe abaturage, yitabiriye kenshi ibiganiro bibakangurira kwirinda no gukumira Virus ya Corona, ingamba zose zafashwe zikaba zirikubahirizwa uko bikwiriye.

Ashimirwa na benshi kuba amaze iminsi azenguruka uturere twose tw'u Rwanda yumva anakemura ibibazo abaturage bafite. By'umwihariko akanashimirwa uburyo yitwaye mugukemura ikibazo cy'abaturage ba Kangondo ya1 n'iya 2 na Kibiraro ya mbere ya 1 niya 2, muri ino minsi benshi muri bo bakaba baranyuzwe.

Kubera izo mpamvu, uyu muyobozi akaba yaragizwe n'abaganiriye n'ikinyamakuru Igisabo Ministiri w'umwaka wa 2020.

## Uwa 2. Daniel Ngamije.

Ni Ministiri w'ubuzima. Uyu muyobozi wagiyeho mubihe bikomereye urwego rw'ubuzima ashinzwe kubera icyorezo cya Covid 19, Yashimiwe n'abaturage benshi uburyo atigeze agoheka na gato agamije gusobanurira abanyarwanda ububi bw'icyorezo cya Covid, cyari kigaragaye



bwa mbere ku isi giherye mu bushinwa.

Bamushimira ko afatanyije nabo bayoborana mu gihugu ku nama za Nyakubaha Prezida wa Repubulika, bitaye ku banduye baravurwa barakira ndetse n'ingamba zo gukumira iyo Covid zikaba zaratanze umusaruro watumye ibikorwa byinshi by'abaturage kino gihe byarasubiye gukora uko bisanzwe,

ari nako bakomeza kwirinda kugira ngo uubzima bukomeze.

**Uwa 3. Jeneral James Kabarebe.** Uyu ni umujyanama wa Nyakubaha Prezida wa Repubulika mu by'umutekano.

Benshi bahuriye ku gitekerezo cy'uko ari Umusirikari w'umunyamwuga ubifatanya no gukorera abaturage.



## Abantu n'ibigo 10 batanze Service nziza mu mwaka wa 2020



myinshi kubana b'abanyarwanda.

## 10. Theodole Ntarindwa.

Uyu ni Umunyamakuru, akaba n'umukunzi w'umupira w'amaguru. Ashimirwa kuba yarabashije kuva mu itangazamakuru ryandika akagera no k'urwegorwa Radio mu gihe gito, ahanini agamije kugeza kubanyarwanda amakuru asesenguye y'aba ay'imikno akunda n'ayo mu buzima busanzwe, arimo n'ayo kumenyekanisha ububi bwa Covid

19 no kumenya kuyirinda.

Benshi kandi baganiriye n'ikinyamakuru igisabo bamushimiye ko n'ubwo Covid19 yashubije inyuma cyane amakipe y'umupira w'amaguru mu Rwanda, we ubwe n'abagenzi be bari bafatanyije babashije gushyira kumurongo ikiye ya Kiyovu Sports, igategurirwa amategeko mashya ayigenga, bityo ikaza kubona abayobozi bashya abigizemo uruhare n'umuganda ukomeye agishimirwa na benshi.

Ubwanditsi

# Abayobozi n'ibigo bya Leta bagaragaje gutanga Service nziza mu mwaka wa2020

Ashimirwa cyane ko inama yatanze mu kazi ashinzwe zatumye bamwe mubari barigize indakoreka bavuga nabi u Rwanda uko bishakiye ngo ni uko bari mu mahanga, ndetse n'abagabaga ibitero ku banyarwanda, abensi bamaze kugezwa mu gihugu, bakaba bari gukurikiranwa n'ubutabera.

Ikindi ashimirwa Jenerali Kabarebe, ni uburyo aganiriza abaturage abagezaho amateka y'u Rwanda n'ayo kurubohora, agamije ahanini kubereka aho u



Rwanda rwavuye, n'aho rugeze rwiyubaka kandi abaturage bakagira uruhare mukwicungira umutekano.

**Uwa 4. RGB.** Ni urwego rw'igihugu rw.imiyoborere. abatanze amakuru bensi bashimiye cyane Ubuyobozi n'abakozi b'uru rwego, uburyo rwitwaye mu gukemura ibibazo byavugwaga muri amwe mu madini n'amatorero ndetse ikanagera no mu makipe y'umupira w'amaguru yari afie ibibazo by'amakimbirane ikabafasha kugera ku bwumvikane busesuye bitorera inzego zibaboneye.

Ikindi bashimira uru rwego ni uburyo bashyira buri gihe ahagaragara ibipimo by'imiyoborere mu nzego zitandukanye n'uko abantu



bahabwa service nziza, ibituma abo bireba barushaho kunoza imikorere.

**Uwa 5. CP Kabera John Bosco.** Uyu ni Umupolisi mukuru wo ku urwego rwa Komiseri murri Polisi y'igihugu, akaba n'umuvugizi wayo.

Bensi bamishimiye uyu muyobozi ubutwari yagaragaje muri ibi bihe bitoroshye bya Covid 19, aho yakanguriye abanyarwanda bose kubahiriza ingamba zose zafashwe na Leta y'u Rwanda zigamije kuyikumira no kuyirwanya burundi.

Ashimirwa kandi gutanga amakuru neza aba akenewe n'abanyarwanda bose kubirebana n'umutekano w'igihugu bityo nabo bagakungurirwa kuwicungira bafatanyije n'inzego zibishinzwe.

**Uwa 6. Frank Habineza.** Uyu ni Umudepite akaba anahagarariye



ishyaka riharanira Demokarasi no kurengera ibidukikije mu Rwanda Green Party.

Bensi baganiriye n'ikinyamakuru Igisabo, bamushimiye ko yagize impinduka zikomeye mu nteko mu rwego rwo gutanga ibitekerezno no kujya impaka zigamije kubaka mbere yo kwemeza amategeko n'imishinga y'amategeko runaka.

Ashimirwa kandi ko ari umwe mu banya politiki bagerageza gutanga ibitekerezno ku byifuzo abaturage baba bagaragaje nko ku biciro by'ingendo mu modoka, izamuka ry'ibiciro by ibiribwa n'indi baba bifuzaho ubuvugizi.

**Uwa 7. RBC.** Ni ikigo cy'igihugu cyita ku buzima. Kimwe na Ministeri y'ubuzima, iki kigo n'Ubuyobozi bwacyo, bukuriwe na Dr Sabin Nsanzimana, bose bashimiwe kwita ku baturage b'u Rwanda babafasha gukumira no kurwanya icyorezo cya Covid 19 ariko kandi hatanirengagijwe n'izindi ndwara zrimo Malaria na Virus itera Sida.

Iki kigo cyashimiwe cyane uburyo cyahuguye abaganga maze bakita ku barwayi ba Covid 19, hafi ya bose bakaba barakize kandi ingamba zo kuyirwanya zikaba zikomeje gushyirwaho no kubahirizwa.

**Uwa 8. RBA.** Ni ikigo cy'igihugu cy'itangazamakuru.



Abensi bashimiye cyane iki kigo uburyo cyafashije abanyawanda kubagezaho amakuru umunsi ku wundi agendanye n'icyorezo cya Covid 19, hagamijwe ahanini gukangurira abaturage kumenya uburyo yandura n'uko yirindwa ikanakumirwa muri rusange.

Iki kigo kandi gishimirwa ko cyabashije kugeza kubana bari muri Guma mu murugo amasomo atandukanye yatangwaga n'ikigo cy'uburezi REB, kugira ngo hato batazahava bibagirwa amasomo yabo.

Ikindi RBA ishimirwa ni icy'uko kino gihe ifite abanyamakuru b'abahanga mu ngeri zitandukanye bikaba bisigaye bituma Radio na Televisyo byayo, bikurikiranwa n'abatari bake mu Rwanda no hanze yarwo.

**Uwa 9. Akarere ka Nyaruguru.** Ni kamwe mu turere tugize Intara y'Amajyepfo, kakaba karaje ku umwanya wa mbere mu'miyoborere uyu mwaka wa 2020.

Bensi bashimiye ubuyobozi bw'aka karere imbaraga bakoreshje kugira ngo babashe kwicara kuri uwo mwanya w'icyubahiro mu mwaka wa 2020.

Bivugwa ko kubera ubunraribile bw'umuyobozi wako karere uri mubategetse Uturere igihe kinini byatumye abaturage bakora neza uko bikwiriye kugira ngo iterambere ry'Akarere barigiremo uruhare , haba m'ubuhinzi n'ubworoz, ibikorwa remezo, ubukungu n'ibindi.

**Uwa 10. Akarere ka Huye aka nako ni kamwe m'Uturere two mu Ntara y'Amajyepfo kagaragaje umuhate mukwesa imihigo yo mu mwaka wa 2020 ahanini kabikesheje nako umuhate w'abaturage bakunda Akarere kabo.**

Bensi bakaba barishimiye ko Ubuyobozi bwabo bubaba hafi ige cyose bubafasha gukemura ibibazo bafite bafite neza kandi vuba. Banishimiye kandi ivugururwa ry'umugi wabo wa Huye bakavuga ko ibiri gukorwa bitanga ikizere cy'uko uzakomeza kuza mu migi myiza yunganira Kigali.

Ubwanditsi

# STATION ENES



Ubuyobozi n'abakozi ba za STATION ENES Ltd, zicuruza ibikomoka kuri peteroli mu Rwanda bifurije Nyakubahwa President wa Republiku y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi

# SPERANZA GROUP

ubuyobozi n'abakozi ba SPERANZA GROUP Ltd, ikorera ibinyobwa bitandukanye mu Rwanda bifurije Nyakubahwa President wa Republiku y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



# HILLTOP HOTEL



Ubuyobozi n'abakozi ba HILLTOP HOTEL, ikorera i Remera mu mujyi wa Kigali, bifurije Nyakubahwa President wa Republiku y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi

# NOBLEZA HOTEL

ubuyobozi n'abakozi ba NOBLEZA HOTEL, ikorera Kicukiro mu mujyi wa Kigali, bifurije Nyakubahwa President wa Republiku y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



# LA MEDICAL

Ubuyobozi n'abakozi ba LA MEDICAL HOSPITAL, ikorera mu mujyi wa Kigali hafi ya St. Paul, bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



# OLYMPIC HOTEL

Ubuyobozi n'abakozi ba OLYMPIC HOTEL , ikorera Kimironko mu mujyi wa Kigali, bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



# VIRUNGA HOTEL/ VIRUNGA EXPRESS

Ubuyobozi n'abakozi ba Virunga hotel mu mujyi wa Musanze na Virunga express, bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



Ubuyobozi n'abakozi ba RFTC , ikorera mu Rwanda bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



# Imirwano muri Tigray : Sobanukirwa impamvu z'iyo ntambara ihuza abavandimwe bo muri Ethiopia

**L**eta ya Ethiopia yashimangiye ko ikomeza ibitero bya gisirikare mu karere ka Tigray kari mu majyaruguru n'ubwo bwose amahanga akomeje gusaba kubihagarika.

Amakimbirane hagati y'ishyaka nya Tigray People's Liberation Front (TPLF) - ryigeze kuba riri mu mpuzamashyaka yari ku butegetsi - na guverinoma ya Abiy Ahmed, amaze igihe atutumba, ndetse yarakabije ubwo mu kwa cyenda muri Tigray bakoze amatora nk'igikorwa cyo kwanga leta ya Addis Ababa.

Minisitiri w'intebi Abiy yategetse ko hagabwa ibitero bya gisirikare ku karere ka Tigray, nyuma y'uko avuze ko igitero ku kigo cy'ingabo za leta "cyakomerekeje benshi kikanangiza byinshi".

Avuga ko icyo gitero gifitwemo uruhare n'ryo shyaka Tigray People's Liberation Front (TPLF).

Amakimbirane yatewe n'iki? Amatora yo mu kwa cyenda 2020, muri Tigray, mu gihe leta yari yarayabujije kubera Coronavirus, abonwa cyane nk'impamvu ya vuba y'aya makimbirane.

Ariko kandi mu by'ukuri ni amakimbirane amaze igihe atutumba.

TPLF, yahoze ari ishyaka ryiganje mu butegetsi mu myaka myinshi cyane, yagiye ishyamirana na guverinoma ya Abiy Ahmed kuva



*Ingabo za Ethiopia zirikurwana mu gace ka Tigray. (Photo/ Net)*

nyuma gato y'uko ageze ku butegetsi mu 2018.

Bivugwa ko amaze gutorwa nk'umutegetsi "w'impinduka", Abiy yashinje abahoze muri guverinoma ruswa no guhonyora uburenganzira bwa mutu, anavana abakomeye muri TPLF muri guverinoma y'ighugu

Muri abo barimo uwahoze akuriye ubutasi kandi ukomeye muri TPLF, Getachew Asefa, wacitse ubwo yari agiye gufungwa agahungira mu karere ka Tigray, aho n'ubu ari mu bwihiho.

Icyemezo cy'umwaka ushize cya Bwana Abiy cyo gushyira hamwe amashyaka, ashingiye cyane cyane ku moko, agahurira mu kitwa Prosperity Party (PP) byongereye amakimbirane.

TPLF yanze kujya muri iryo huriro ivuga ko rizacambo ibice ighugu.

Mu ntangiriro z'uyu mwaka, ubushyamirane bwarakabije ubwo guverinoma ya Addis yangaga ko amatora mu gihugu aba kubera coronavirus.

Akarere ka Tigray ko karabyanzze mu kwa cyenda gakora amatora, yafashwe nk'igikorwa cyo kugumuka kuri leta ya Addis Ababa. Inteko ishinga amategeko y'ighugu yavuze ko "anyuranyije n'amategeko".

Kuva icyo gihe, leta y'ighugu na leta y'akarere ka Tigray buri imwe yita indi ko "itemewe n'amategeko".

TPLF mu gihe cyashize yagiye yerekana ko ishaka ubwigenge,

ikomoza ku ngingo yo mu itegekonshinga yemerera uturere "ubwigenge, harimo no kuva ku gihugu".

Mu kwezi kwa munani Debretson Gebremichael uyobora aka karere yagize ati: "Ntutuzihanganira uwariwe wese ushaka kutwima uburenganzira twatsindiye bwo kwigenga".

Mu ntangiriro z'ukwezi kwa cumi, leta ya Addis yanzuye guhagarika imikoranire n'akarere ka Tigray, inteko ishingamategeko nayo itora ko ingengo y'imari yahabwaga Tigray ihagarikwa.

Kuki TPLF ikomeye cyane muri ibi?

Kuva umutegetsi witwa Mengistu Haile Mariam yahirikwa mu 1991 kugeza mu 2018, TPLF niryo shyaka ryari rifite imbaraga mu mpuzamashyaka yari ku butegetsi, ari naryo by'umwihariko ritegeka Tigray.

TPLF yagize uruhare runini mu guhirika Mengistu maze ihinduka ishyaka rigenzura politiki n'ubukungu bya Ethiopia.

Amakuru atangazwa na Guverinoma ya Etiyopiya kino gihe, avuga ko intambara yarangiye bamaze kwigarurira ibice byose bya Tigray, n'ubwo ubuyobozi bw'yo Ntara bwo butari bwava ku izima.

Raoul N.

## Burundi : Bateye intambwe mugutsura umubano n'abo bari barashwanye

Nyuma y'imyaka itanu yaranzwe n'umwuka mubi hagati y'u Burundi n'umuryango w'Ubumwe bw'ibihugu by'i Burayi (UE/EU) izi mpande ebyiri, zamaze kumvikana ku mushinga wo gusubira gusubukura imibanire n'imigenderanire itari yifashe neza.

Iyo migenderanire, bivugwa ko yari yarahagaze kuva muri 2015 kubera ahanini, ukutumvikana ku bibazo bimwe na bimwe, none imiryayango ikaba yongeye gufungurwa nk'uko byandikwa n'urubuga nkoranyambaga rw'ibiro by'umukuru w'ighugu cy'u Burundi Evariste Ndayishimiye.

ku wa mbere tariki ya 07 Ukuboza 2020, nibwo Perezida Evariste Ndayishimiye w'u Burundi yakiriye uhagarariye Umuryango w'ubumwe bw'u Burayi mu Burundi, ahenekejwe n'abahagarariye ibihugu biri muri uwo muryango bifite ikicaro i

Bujumbura.

Kuri uwo munsi kandi Ibiro by'umukuru w'ighugu bikaba byaramenyesheje ko ko impande zombi zumvikanye "ko bakwiriye kwibagirwa amateka mabi yahise, ahubwo bakibanda kuri gahunda zijya mbere, bityo imigendaranire yabo igasubira uko yahoze mbere y'ibibazo byabaye muri 2015.

Twakwibutsa ko Kuva hadutse amakimbirane ya Politiki muri 2015, ahanini bitewe n'ingingo yari yafashwe na Nyakwigendera Perezida Petero Nkurunziza yo gusubira kwiyamariza manda ya gatatu, abamurwanya bakaba baramushinjaga kwica itegeko nshinga n'amasezerano ya Arusha, ariko we nabo mu ishyaka rye rya CNDD-FDD, bakavuga ko ukwiyamamaza kwe kwari gukurikije amategeko.

Kuva icyo gihe imigenderanire y'ighugu cye n'Umuryango w'umbumwe bw'I Burayi yahise ihagarara kubera ko hari byinshi



*Perezida w'u Burundi Evariste Ndayishimiye. (Photo/ Net)*

batumvikanagaho.

Nyuma y'ibiganiro by'impande zombi, ibiro by'umukuru w'ighugu Evariste Ndayishimiye, bivuga ko abahagarariye ibihugu by'ubumwe bw'u Burayi, bemeye gukora uko bashoboye, kugira ngo umuryango bahagararariye ubashe gufata mu mugongo, inzego z'u Burundi mu migambi y'Iterambere.

Ku ruhande rw'Umuryango w'Ubumwe bw'ibihugu by'i Burayi, izo ntumwa zitangaza ko ngo ibiganiro bagiranye, n'ikizere cy'eo hazaza, hagati y'ighugu

cy'u Burundi n'uwo muryango nk'uko byatangajwe na Claude Bochu uwuhagarariye mu Burundi.

Kuva ubwo habaga imyiryane muri 2015 yatewe n'igeragezwa ryo gushaka guhirika ubutegetsi bwariho mu kwezi kwa gatanu ku uwo mwaka, Leta y'u Burundi ntiyari yahwemye kwamagana Umuryango w'Ubumwe bw'Ibihugu by'u Burayi, iwushinja gushyigikira no gucumbikira bamwe mu bari bagize uruhare rwo guhirika ubutegetsi.

Ibyo byatumye uyu muryango nawo, uhagarika imfashanyo zose wahaga u Burundi, ukuba warashinjaga icyo gihugu, kutubahiriza uburenganzira bwa mutu, yica nkana ibikubiye mu masezerano ya Arusha, bakanavuga ko u Burundi bwarenze ku ngingo ya 96 yiswe iy'amasezerano ya Cotonou yo gufashanya hagati y'uwo muryango n'ibihugu bigize ACP. Gabin

# Imyitwarire idahwitse ya Padiri Nahimana ayikomora he ?

**B**enshi mu bazi Padiri Nahimana Thomas, bamuzi nk'umugabo udahwitse, wuzuye urwango n'ubujiji agaragariza mu kugoreka amateka no guhimbahimba ibinyoma biyobya abantu, agakunda kubeshya no kubeshyerana ku buryo ageze n'aho kubika n'abakiri bazima, kandi Isi yose ibibonera umunsi ku wundi.

Bivugwa ko uyu wasimbuje Imana ibinyoma, yabanje kuba Umupadiri muri Diyosezi ya Cyangugu ari na ho akomoka, gusa ubanza yari yibesheye umuhamagaro kuko yaje guhambirizwa mu nshingano, ahagarikwa n'uwohoze ari Musenyeri wa Diyosezi ye, Jean Damascène Bimenyimana. Abamuzi bakavuga ko nta kindi yari buzire kitari imyitwarire mibi, irimo kunyereza umutungo ndetse no kubiba amacakubiri muri bagenzi be.

Nyuma yo gushoberwa, Nahimana yahisemo kwerekeza mu mahanga, maze agezeyo, nk'uko bimaze kumenyerwa ku bandi bafite imyumvire nk'eye, atangira kuvuga ko mu Rwanda nta kigenda, ko abarurimo nta mahoro bafite, ubukene n'ubwicanyi ko ari byo bibaranga kandi igice kimwe cy'abaturage ngo cyahejwe mu iterambere n'imiyoborere by'igihugu.

Nahimana Thomas, yaje gushinga ishyaka ryitwa 'Ishema ry'u Rwanda', ndetse mu 2016 aca igikuba avuga ko aje i Kigali kwiyamariza kuyobora igihugu mu matora ya Perezida yari kuba m'umwaka ukurikiyeho, n'ubwo bitamukundiye.

Ibyo bimaze kumupubana, uyu mugabo yigererejeho avuga ko ashinze leta ikorera mu buhungiro, ndetse anashyiraho abaminisitiri 14, gusa amakuru y'iyo leta ya baringa yarangiriye aho.

Amaze kuburanirwa, Nahimana yasubiye mu Bufaransa akomeza amagambo ye y'urwango n'ibikorwa by'amacakubiri, n'ubwo abamuzi bavuga ko ntacyo bimumariye kuko n'ubundi ari umugabo ubayeho mu buzima bugoye, aho akura amaramukoo ku nkunga ya leta y'u Bufaransa igenewe abatishoboye.

Mu biganiro bye kandi, bimwe anyuza ku rubuga rwe 'Le Prophete', Nahimana yakunze kumvikana avuga amagambo arimo guhakana no gupfobya Jenoside yakorewe Abatutsi mu Rwanda mu 1994.

Nko mu mwaka wa 2015, mu biganiro yahaye BBC, yavuze ko mu Rwanda hakwiye kujya hibukwa 'abantu bose', ndetse

ko ijambo Jenoside ritagakwiye gukoreshwa, ahubwo hagakoreshejwe Itsembabwoko n'itsembarsemba.

Icyo gihe yagize ati "Ibyabaye mu Rwanda ntibyakwirwa mu nyito ya 'Jenoside yakorewe Abatutsi'. Ibyiswe gutyo ni igice kimwe cy'ishyano ryashyikiye Abanyarwanda. Reka twongere tubiyibutse. Kwibuka abacu bose ni ryo jambo rubanda ikeneye kubwirwa kandi niryo rikwiye kuba ishingiro ry'ubwiyunge bw'Abanyarwanda".

Uyu mugabo kandi yavuze ko "Kwibuka ari intwarz ya politiki ihoraho yo guhembera umujinya, gufungirana abaturage mu bwoba no mu gahinda, kwimakaza ironakoko ndetse bikwiye kwamaganwa."

Yongeyeho ko igice kimwe cy'abanyarwanda cyahejwe, aho ngo "Ikibazo cy'u Rwanda ni ubutegetsi bw'Agatsiko k'indobanure k'abasirikare b'Abatutsi baturutse Uganda", ndetse ati "Abahutu hari igihe mbareba bakantera impuhwe."

Nahimana kandi aherutse gutungura Isi ubwo yavugaga ko Umukuru w'Ighihu cy'u Rwanda Paul Kagame atakiriho, ndetse na nyuma yo kumubona atanga ikiganiro n'abanyamakuru, akomeza guhinyuza avuga ko ibyakozwe filime yakinwe.

Umushakashatsi akaba n'umwanditsi ku mateka y'u Rwanda, Murashi Isaie, mu kiganiro cyihariye na kimwe mu binyamakuru byo mu Rwanda, avuga ko ibikorwa bya Nahimana na bagenzi be bigamije gukomeza umugambi w'abakoloni wo gutandukanya Abanyarwanda, umugambi uhabanye n'ubo leta iyobwe na Perezida Kagame ifite wo guhuza abanyarwanda, bakongera kugira igihugu gikomeye.

Murashi agereranya u Rwanda Nahimana n'abandi nkawe bifuza, "nk'u Rwanda rupfunyitse mu bukoloni", kuko abakoloni ari bo baruhaye isura y'amoko rutahoranye, dore ko mu Rwanda rwa Gasabo nta moko yarurangwagamo, kuko yigishijwe n'abazungu bagamije inyungu zabo bwite.

Uyu mushakashatsi avuga ko nta bundi buryo abazungu bari gukoresha bakabasha kuyobora u Rwanda bitari uguca Abanyarwanda mo ibice, cyane ko basanze ari igihugu gikomeye kandi gifite ubuyobozi bwubakitswe neza.

Agira ati "Bahanze rwa Rwanda rwa Gihanga, bararutinya cyane. Batinya ko ari igihugu kinini, kandi ko ari igihugu gifite abami b'ibihangange, b'indwanyi kandi bazi gushyiraho



**Uwahoze ari Padiri NAhimana.**  
(Photo/Net)

ubutegetsi buhamye, bukomeye kandi butavogerwa".

Yifashishije ubuhamya bwa Von Götzen, Murashi yagarutse ku buryo mu Rwanda nta bucruzi bw'abacakara bwigeze buhabera, ndetse ngo n'Abarabu 14 bigeze guhirahira bakaza gushaka abacakara mu Rwanda ahagana mu 1880, ntibasubiye iwabo, nk'uko ubuhamya bw'abandi barabu bagenzi babo bwabihamije.

Ibi rero ngo abazungu barabibonye, bigaragara neza ko uburyo bushoboka bwo kuyobora abanyarwanda ari ukubacamo ibice, maze batangira gukoresha uburyo bwari busanzwe mu Rwanda bugaragaza umutungo w'umuntu, babuhinduramo amoko.

Avuga ko ariho abo bakoroni bahereye barema abahutu n'abatutsi, amazina ubusanzwe yagaragazaga ubutunzi bw'umuntu, kuko umukire yitwaga umututsi, naho umukene akitwa umuhutu, ndetse umuntu umwe akaba yarashoboraga kujya mu cyiciro cy'abahutu cyangwa icy'abatutsi bitewe n'ingano y'ubukungu bwe.

Murashi avuga ko bitemereje maze "Baravuga batu Rwabugili ni umwami muremure cyane, abandi bagufi ategeka ni abahutu".

Uku gucamo abanyarwanda ibice ndetse no gukomeza gukwirakwiza inyigisho z'amoko, ni byo byashibutsemo abantu bafite ingengabitekerezo nk'iya Padiri Nahimana, nk'uko Murashi abivuga.

Agira ati "Urwo Rwanda rero rupfunyitse mu bukoloni ni rwo rwaremye ba Kayibanda batari abahutu, inkomoko ya Kayibanda irazwi. Ni rwo rwaremye ba Gitera

batari abahutu, inkomoko yabo irazwi. [iyo nkomoko ni] Abatetera n'Abanyoro".

Nyuma y'uko Abanyarwanda bamwe batangiye gucengerwa n'inyigisho z'abakoloni ndetse bakayoboka amoko, Murashi avuga ko u Rwanda rwacitsemo ibice, ruhinduka "igihugu cy'amaharakubiri".

Aya maharakubiri yari azanywe mu Rwanda ni nayo yaje kuvamo Jenoside yakorewe Abatutsi mu 1994.

Murashi avuga ko nyuma y'uko ingabo zari iza RPF-Inkotanyi zihagaritse Jenoside zigatangira kubaka igihugu, abacengewe n'ingengabitekerezo z'abakoloni binangiyie, bakanga kwemera ko igihugu gishobora kubaho kidashigiye ku moko nka mbere, kensi bakabikora kubera inyungu zabo bwite bakura mu bikorwa byo guhakana no gupfobya Jenoside yakorewe Abatutsi mu Rwanda.

Iyi ngo niyo mpamvu abantu nka Nahimana batava ku izima, kuko bensi batarumva ko igihugu cyakwigobotora ingoyi y'amoko burundi, kikabaho mu buryo buha buri wese amahirwe angana kandi bushobora kubateza imbere.

Imyumvire nk'ya Nahimana ariko nayo ngo isa nk'idafite ahazaza, kuko abantu bensi bagenda bayizinukwa uko imyaka ishira.

Mu kiganiro aherutse kugirana n'Itangazamakuru rya Leta, Umukuru w'Ighihu Paul Kagame avuga ko ibikorwa by'abantu nka Nahimana bitaramba, kandi bashobora kuzisanga i Kigali nk'uko byagendekeye Rusesabagina.

Agira ati "Ntabwo bintwarira umwanya iby'ubo mupadiri, ariko na we ntibzagutangaze umunsi tuzaba tumufite hano nk'ibya Rusesabagina. Abika abapfuye, n'abo yica, ariko na we bizamugeraho, azisanga atazi uko yageze ino."

Bensi bakomeje kumva ibivugwa n'uyu wananiwe kuyobora ubushyo bw'Imana yaragijwe, agahitamo kwibasira ubutegetsi bw'u Rwanda bwahagaritse Jenoside bugahuza abanyarwanda bakiyunga bakaba ba umwe, u Rwanda rukaba ruza ku isonga mu bikorwa bitandukanye bikorerwa ku isi, bibaza ikibura ngo Nahimana azanwe mu Rwanda ngo acirirwe urubanza nk'abandi bose bahembera amacakubiri, bakanapfobya Jenoside yahitanye abatutsi basaga miliyon, mu mins ijana gusa.

Christophe M.

# Ese nibyo benshi mu bagabo bakunze gusambana ntibakoresha agakingirizo ?

**U**bushakashatsi bwa gatandatu ku bwiyongere n'ubuzima bw'abaturage, DHS, bw'umwaka wa 2019-2020, bwagaragaje ko abagabo mu Rwanda baza ku isonga mu kuryamana n'abagore barenze umwe ugereranyije n'uko bimeze ku gitinsa gore.

Imibare yavuye muri ubwo bushakashatsi bwashyizwe hanze mu cyumweru gishize n'Ikigo cy'Igihugu gishinzwe Ibarurishamibare, igaragaza ko ku babukoreweho, abagore bangana na 1 % bavuze ko baryamanye n'abagabo barenze umwe mu mezi 12 yari ashize, naho abagabo bangana na 6% nibo bavuze ko baryamanye n'abagore barenze umwe mu mezi 12 ashize.

Habajije abagabo bagera ku bihumbi bitanu n'abagore basaga ibihumbi icumi bari hagati y'imyaka 15 na 49.

Igiteye inkeke muri ubwo bushakashatsi, ni uko abensi mu bavuze ko babonanye n'abagabo cyangwa abagore barenze umwe, abakoresheje agakingirizo ari bake cyane, byumvikana ko bishobora kuba inzira yo kwandura indwara zandurira mu mibonano mpuzabitsina nka virusi itera SIDA n'izindi cyangwa inda zitateganyijwe.

Mu bagore bavuze ko baryamanye n'abagabo barenze umwe, 45 % nibo bakoresheje agakingirizo mu gihe mu bagabo, 29 % aribo bavuze ko bakoresheje agakingirizo.

Muri rusange, ubushakashatsi bwa DHS bwagaragaje ko umugore wo mu Rwanda mu buzima bwe abarirwa kuba yarabonanye n'abagabo 1,7 (ugereranyije ni babiri), mu gihe umugabo we abarirwa kuba mu buzima bwe yarabonanye n'abagore 2,8 (nibura ni batatu).

Kuki abagabo baza ku isonga, urubyiruko rukarusha?

Ntabwo imibare ya DHS ku bagabo cyangwa abagore baryamanye n'abarenze umwe ikabije cyane ariko ingaruka zayo zishobora kuba mbi cyane.



*Bensi bagirirwa inama yogukoresha agakingirizo. (Photo/ Net)*

Umuyobozi w'umuryango Save Generations Organisation uharanira Iterambere ry'umwana, urubyiruko n'umugore, Yvette Nyinawumuntu, yabwiye Itangazamakuru ko kuba abensi badakoresha agakingirizo, bishobora kuba intandaro zo kubyara abana batateganyijwe.

Kuba umwana yavuka atateganyijwe, Nyinawumuntu avuga ko biteza ibindi bibazo mu muryango birimo gukura adakunzwe no kuba ababyeyi be bajya bahora mu makimbirane kuko umwe yamubyaye yaciye inyuma mugenzi we.

Yagize ati "Uwo mwana na we uburyo aba yasamwemo aba ari inzirakarengane, aravuka adakunzwe. Kuba atateguwe n'uburyo azarerwa nyuma yo kuvuka, nabyo bimugiraho ingaruka. Umwana niba atishimimwe bishobora guteza amakimbirane mu babyeyi. Ibi bishobora gutuma ingo zisenyuka kandi byongera umubare w'abaturage, no ku gihugu ku buryo bw'ubukungu bifite ingaruka nyinshi."

Imibare imaze iminsi itangazwa igaragaza ko gatanya ziyongereye mu Rwanda, n'ubwo impamvu y'ubwo bwiyongere itavugwaho rumwe. Ikigo cy'ibarurishamibare cyatangaje ko mu 2019 imiryango 8941

yatandukanye, ivuye ku 1311 mu 2018.

Kuba abagabo aribo benshi mu baryamana n'abagore barenze umwe, Nyinawumuntu yavuze ko bishobora kuba bituruka ku bintu byinshi birimo n'umuco.

Yavuze ko ubusanze mu muco nyarwanda, kugira cyangwa kuryamana n'abagore bensi byafatwaga nk'ikintu gikomeye, mu gihe umugore waryamanye n'abagabo bensi yafatwaga nk'ikirara.

Ati "Mu muco wacu umugabo kuba yajya hanze, yabyara hanze cyangwa agakora imibonano mpuzabitsina hari aho byafatwaga nk'aho uwo mutu ari umugabo, apfa kuba afite ubushobozi cyangwa nta nabwo. Ku mugore, umugore mwiza ni udaca inyuma uwo bashakanye. Ubikoze bigaragara nk'aho ari uburara cyangwa nk'ubugwari."

Nyinawumuntu yavuze ko ikiindi gishobora gutuma abagabo baza ku isonga mu kuryamana n'abagore bensi, ari ibijyanye n'ubukungu. Yavuze ko mu miryango myinshi mu Rwanda, usanga abagabo aribo bafite umutungo kurusha abagore, bikaba byabasunikira mu kuwukoresha bajya mu bagore bensi.

Ati "Uyu munsi dufite amategeko meza agaragaza ko umugabo n'umugore bifite uburenganzira bumwe

ku mutungo ariko iyo tugiye mu buryo bufatika umugabo aracyari imbere mu gushaka umutungo no kuwugira. Kujya hanze bigendana n'ubutunzi, umugabo ufite amafaranga ni na we ushobora kujya mu mibonano mpuzabitsina hanze."

Ubushakashatsi bwa DHS kandi bugaragaza ko abagore bari hagati y'imyaka 20 na 29 aribo bensi bagaragaje ko baryamanye n'abagabo barenze umwe. Ni mu gihe ku bagabo, bari hagati y'imyaka 25 na 39, nubwo abari hagati y'imyaka 40 na 49 nabo babagwa mu ntege.

Nyinawumuntu yavuze ko kuba nk'abagore bari mu myaka 20 aribo bensi baryamanye n'abagabo barenze umwe, bishobora gutterwa n'impamvu zitandukanye zirimo kutabona amakuru ahagije ku bijyanye n'imibonano mpuzabitsina ku rubyiruko, gushaka ubukire bwihuse n'ibindi.

Yagize ati "Urubyiruko rw'uyu munsi hariho umuvuduko wo gushaka ubutunzi byihuse, irari ry'amafaranga aho abato bifiza amafaranga y'abakuze, abakuze nabo bakaba batakituza abagore bakuze ishakira abana bato."

"Hari no kubura amakuru [...] Urasanga umukuru wakabimubwiye (amuhabana) nta mwanya abifitiye cyangwa ayo makuru ntayo

afite. Hari no gushaka kumera nka kanaka akaba yakururwa n'iryo rari. Biroroshe kujya kuri Youtube akabona icyamamare runaka akaba yashaka kuba nkawe. Hari icyo ashobora kwifuza akaba atakibonera ubushobozi aka kanya, nyamara hari umuntu ukunze ufite ubwo butunzi, inzira yihuse ikaba iyo gukoresha imibonano mpuzabitsina."

Ibindi byagaragajwe mu bushakashatsi

Ubushakashatsi bwa DHS bwagaragaje ko mu bagore bavuze ko baryamanye n'abagabo barenze umwe, 1,4 % ni abatarashaka abagabo, 0,7 % bafite abo bashakanye, naho 4,1 % ni abatandukanye n'abagabo cyangwa abapfakaye.

Mu mijyi niho hagaragaye umubare w'abagore bensi baryamanye n'abagabo barenze umwe kuko bangana na 2,5 % naho mu cyaro bangana na 1 %.

Hashingiwe ku cyiciro cy'amashuri, abagore bavuze ko baryamanye n'abagabo barenze umwe, abarangije amashuri abanza baza imbere kuko bari ku kigero cya 1,5 %, bakurikirwa n'abarangije amashuri yisumbuye bangana na 1,2 % naho abize muri Kaminuza bangana na 1%.

Ku bagabo, abavuze ko baryamanye n'abagore barenze umwe ku isonga haza abatandukanye n'abagore babo cyangwa abapfakaye, bagakurikiranwa n'ababana n'abagore babo. Abagabo bo mu mijyi nibo bensi bagaragaje ko baryamanye n'abagore barenze umwe ugereranyije no mu cyaro.

Ugendeye ku mashuri bize, abagabo bavuze ko baryamanye n'abagore barenze umwe, abize amashuri ari hejuru y'ayisumbuye (Kaminuza) nibo baza ku isonga kuko bangana na 6,3 %, abize amashuri abanza bangana na 5,5% naho abatarageze mu ishuri bangana na 5,9 %.

Ubwanditsi

# Menya amateka n'ibigwi bya Joseph Robinette Biden Jr

**J**oseph Robinette Biden Jr. uzwi ku izinarya Joe Biden, yavutse kuya 20 Ugushyingo 1942 i Scranton, muri Leta ya Pennsylvania, ni umunyamerika. Yabaye Visi Perezida wa Amerika kuva mu 2009 kugeza 2017, ubu yatorewe kuba Perezida wa 46 wa Leta Zunze ubwe zaAmerika kuya 20 Mutarama 2021.

Joe Biden, nk'uko amateka ye abivuga, urugendo rwa politiki rurimo inzira ndende, mu mirimo ikomeye yakoze izwi, ni uko yabaye Senateri wa Leta ya Delaware kuva 1973 kugeza 2009, ahagarariye Ishyaka ry'abademokarate, yanayoboye Komite ishinzwe ubushinjacyaha n'ubucamanza mu Nteko ishinga amategeko kuva 1987 kugeza 1995, yongeye gutorerwa kuyiyobora, hagatiya 2001 na 2009, yanayoboye Komite ishinzwe ububanyi n'amahanga muri Sena y'ighugu cye.

Mu matora ku mwanya wa Perezida wa Repubulika ku ruhande rw'Ishyaka, yatorewe kuba Visi perezida wa Barack Obama ubwo hari mu mwaka wa 2008, yongera kugira ayo mahirwe yo kumubera visi Perezida mu mwakawa 2012, manda zombie zibabera mahire, ndetse perezida Barack Obama yegukana igihembo Nobeli gihabwa abantu bakoze akazi k'indashyikirwa kuri iyi si ya Rurema.

Nyuma y'irangira rya manda ya mbere ya perezida Trump, ishyaka ry'abademokarate ryashatse kwisubiza uwo mwanya, rigena Joe Biden ngo arihagarariire, rinahitamo umugore ufite izina rizwi mu mitwe y'Abanyamerika, uwo nta wundi ni madamu Kamala Harris ngo amubere visi perezida, ibintu byagenze neza, Trump baramuhigika bamutsinda mu matora yabayemo impaka nyinshi, uruhande rwa Trump rutaka ko rwibwe amajwi.

Talikiya 7 Ugushyingo 2020, nibwo intsinzi ye na madamu Kamala Harris yatangarijwe isi yose, ishyaka ry'abaharanira Repubulika rihamarariwe na Trump ryimyiza imoso, n'ubwo hakiri udusigisigi two kujurira, ariko muri rusange intsinzi n'iy'ishyaka ry'Abaharanira demokarasi bahagarariwe bidasubirwaho na Joe Biden ku majwi 306 y'inteko itora, arusha kure uwo bari bahanganye Donald Trump, agaragiwe n'umugore ukomoka ku bafite amabaray'uruhi atandukanye n'aya abazungu, wesheje agahigo ko kwegukana uriya mwanya uhenze cyane wifuzwa na benshi mu Banyamerika.

Amavuko ya Joe Biden



**Joe Biden. (Photo/Net)**

Joseph Robinette Biden, Jr. yavutsekuya 20 Ugushyingo 1942 i Scranton, muri Pennsylvania mu muryango usengera mu idini y'Abagatolika. Ni umuhungu wa Joseph R. Biden, na Catherine Eugenia Biden, ukurikije igisekuru cye, abakurambere bakomoka muri Irlande mu Ntara Londonderry, Nyirakuru ubyara se, Mary Elizabeth Biden akomoka mu Bafaransa ahitwa Huguenots bari abimukira mu Bwongereza, hanyuma berekeza muri Leta ya Pennsylvania, muri Leta Zunze Ubumwe za Amerika.

Joe Biden mu mashuri

Yize amateka na siyanse ya politiki mu 1965 muri kaminuza ya Delaware, akomeza amasomo y'icyiciro cya kabiri mu ishami ry'amategeko muri Syracuse, aho yakuye impamyabumenyi y'amategeko mu 1968, i Delaware ninaho yatangiriye umwuga w'Abanyamategiko

## Ubukwebwe

Joe Biden yashakanye n'umugore Jill Biden babyarana umuhungu w'imfura, Beau Biden, waje gutorerwa kuba umushinjacyaha mukuru wa Delaware mu 2006, aho nyuma yaje kwinjira mu gisirikare cya Amerika ajya no kurwana mu ntambara yo muri Iraki muri 2003, yapfuye azize kanseri yo mu bwonko. muri 2015.

Umuhungu we wa kabiri ni Hunter Biden, ni umunyamategiko I Washington; ariko kuva mu 2014 abarizwa mu nama y'ubuyobozi y'imwe mu masosiyete akomeye yo muri Ukraine. .

## Joe Biden murisiporo

Joe Biden yabaye umwe mu bagize Inama Njanama ya New Castle kuva mu 1970 kugeza 1972.

## Biden muri Komisiyo y'Ubebanyi

umwanya wa perezida, ngo yarateshagujwe yitiranya Theresa May na Margaret Thatcher. Iyi myitwarire ye n'amagambo avuga yatumye bibaza ku buzima bwe bwo mu mutwe, ndetse bakaba bibuka impaka ze na Donald Trump aho bemeza ko mu mvugo ye nawe yakabyaga mu mvugo y'amagambo akomeye yasubizaga mukeba we.

Joe Biden ngo yanashinjwaga imyitwarire idakwiye yo kujya mu bagore, ibi byo ngo yaje kubisabira imbabazi, aho umugore wa koraga muri sena witwa Tara Reade yamwitendetseho ko yamusambanyije kungfu.

Ishyaka ry'Abarepubulika rimurega kujya mu ruhande rwa Christine Blasey Ford, uvugwa mu ihohoterwa rishingiye ku gitsina yaregagamo Brett Kavanaugh, umukandida wa Trump wagombaga kuyobora urukiko rw'ikirenga aburizwamo.

## Joe Biden mu ihirikwa rya Saddam Hussein

Ikindi kivugwa kuri Joe Biden ngo nuko ariwe wanzye ko nta yandi mahitamo Amerika ifite, uretse gukuraho Saddam Hussein, ariko icyo gihe abifashwamo n'akanamaka Loni gashinzwe umutekano ku isi, ariko ntibyagerwaho, muri 2002, Perezida George W. Bush yabatuye intware ahirika Saddam Hussein mu nduru n'imborogo by'abaturage batuye Iraki, isi yose irasakabaka ariko biba iby'ubusa, Saddam ahirikwa ku butegetsi, baranamunyonga bakoresheje ikiziriko, nyuma y'urubanza rwa nyirarureshwu yaciriwe, ruhagarikiwe n'igikurankota Leta Zunze Ubumwe za Amerika, ikibabaje ni uko ibyo bitwaje bamwambura ubutegetsi basanze nta kuri kurimo.

## Joe Biden yahawe ibyubahiro binyuranye

Muri 2011 ikinyamakuru Time Magazine cyamushyize ku rutonde rw'abantu 100 bakomeye ku isi bavuga rikijyana.

Ku ya 15 Gicuras 2016, Joe Biden na John Boehner bahawé umudari wa Lactare muri kaminuza ya Notre-Dame-du-Lac, ufatwa nk'uw'uwicyubahiro muri iyo kaminuza y'Abagatolika bo muri Amerika.

Ku ya 12 Mutarama 2017, Barack Obama yamwambitse umudari wa perezidansi w'ubwigenge n'ubudashyikirwa.

Alphonse U.

# President Trump supporters become a threat on election loss

President Donald Trump's claims of voting anomalies have instilled outrage among his loyalists and led to behavior that some Republicans and even Democrats call a threat.

President Trump's frenzied campaign to overturn the results have become quite impossible: Certified slates of electors to the Electoral College are now protected by law, and any chance that a state might appoint a different slate that is favorable to Mr. Trump is essentially gone.

Despite his clear loss, Mr. Trump is also tolerating assault on the American electoral process. But his conspiracy theories about voting fraud have devolved into an exercise in delegitimizing the election results, and the rhetoric is accelerating among his most fervent allies.

Supporters of the president, some of them armed, gathered outside the home of the Michigan secretary of state Saturday night. Racist death threats filled the voice mail of Cynthia A. Johnson, a Michigan state representative. Georgia election officials, mostly Republicans, say they have received threats of violence. The Republican Party of Arizona, on Twitter, twice called for supporters to be willing to "die for something" or "give my life for this fight."

"People on Twitter have posted photographs of my house," said Ann Jacobs, the chair of the Wisconsin Elections Commission, who alerted her neighbors and the police about the constant threats. She said another message mentioned her children and said, "I've heard you'll have quite a crowd of patriots showing up at your door."



*President Donald Trump in his last days at the Whitehouse. (Photo/ Net)*

Mr. Trump himself has ordered Republican state officials to help him overturn the lost. He has also subjected others to repeated public shamings, lambasting governors to take illegal action to keep him in power.

A key defeat delivered by the Supreme Court on Tuesday has turned his crusade a battle against the electoral process itself, as he seeks to cast doubt on free and fair elections and undermine Joseph R. Biden Jr. before he takes the oath of office.

"There is long-term damage when this kind of behavior is normalized," Jeff Flake, a former Republican senator from Arizona, said on Twitter. "It is not normal, and elected Republicans need to speak out against it."

A top Republican election official in Georgia, Gabriel Sterling, implored the president to stop attacking the voting process in the state, saying it is stimulating threats against officials and poll workers.

President Trump dismissed Tuesday ruling instead noting that the true deadline arrives on January 6 2021 when

Congress meets to approve certification.

Many Republican leaders in critical swing states are standing behind the president's false narrative, unwilling to contradict his claims. Along with the president, their stance is further convincing tens of millions of Americans that the electoral process is too corroded to legitimately deliver the presidency to anyone.

Those supporters have started to flood the voice mails, cellphones and inboxes of dozens of elected officials across the country with angry messages and threats, as well as countless officials who handle local

elections. The tenor has seemed to grow more menacing as Mr. Trump's efforts appear even more unlikely to succeed, some officials said.

"They're getting more angry, and we've been getting emails all the time, all hours of the day and night," said Jennifer O'Mara, a Democratic state representative in Pennsylvania.

Jocelyn Benson, the secretary of state in Michigan, said she had just finished putting up Christmas decorations with her 4-year-old son when she heard dozens of Trump supporters shouting outside her home. Some chanted "Stop the Steal"



*Supporters of President Donald Trump still believe that he was cheated. (Photo/ Net)*

and demanded an audit of Michigan's election results, which showed Mr. Biden winning by roughly 154,000 votes.

"Ever since the president first tweeted at me and every time there is an additional attempt to spread false information, you see an uptick in the threats," Ms. Benson said in an interview on Tuesday. "And now apparently, they're in front of my house, in the dark of night, in this very private, quiet residential neighborhood. We are concerned not only for the safety of my family, but my neighbors as well."

"This challenging, divisive moment that we find ourselves in, the only way to get out of it is for elected officials on both sides of the aisle to condemn what's happening."

The safe harbor deadline all but ensures Mr. Biden will receive the 270 votes in the Electoral College he needs to win the presidency, and most likely wind up with 306, the same total Mr. Trump won in 2016 (two defected, however). Though Congress will determine which states meet the safe harbor deadline, it is traditionally considered met when a state certifies its votes.

# Abandi bakinnyi umunani ba Rayon Sports basanganywe COVID-19

I bipimo biheruka gufatwa abakinnyi ba Rayon Sports byagaragaje ko hari abandi bakinnyi umunani banduye COVID-19 bituma iyi kipe igeza 12 bamaze kwandura.

Ku wa Gatanu tariki ya 04 Ukuzoza 2020, ubwo Rayon Sports yari imaze gukina na Rutsiro FC zikanganya igitego 1-1, hari abakinnyi bane basanganywe COVID-19.

Iyi kipe yahise ishyirwa mu kato guhera uwo munsi ndetse ntiyakinnye umukino wari kuyihuza na Bugesera FC ku wa Mbere tariki ya 07 ukuzoza 2020 kuko hari abakinnyi bagaragazaga ibimenyetso. Amakuru ikinyamakuru

Igisabo cyamenye ni uko abandi bakinnyi umunani bahise nabo basanganywe COVID-19 ndetse bajyanywe i Nyamata mu kato kuri uyu wa Kabiri.

Kugeza ubu, Rayon Sports ifite abakinnyi 12 bamaze kwandura COVID-19 ndetse uyu munsi harongera gufatwa ibindi bipimo ku basigaye.

Nubwo Rutsiro FC yakinnye na Rayon Sports ku wa Gatanu, imaze iminsi mu kato, nta murwayi wa COVID-19 iravugwamo.

Kugeza magingo aya kandi, ntacyo inzego zibishinzwe zirimo amakipe cyangwa FERWAFA ziratangaza



*Bamwe mu bakinnyi b'ikipe ya Rayon Sports. (Photo/Net)*

kuri iki cyorezo kivugwa mu makipe.

FERWAFA iherutse kongera gusaba amakipe kujya ayitangariza ibyavuye mu bipimo bya COVID-19 byafashwe

abakinnyi, bigashyikirizwa komiseri w'umukino.

Mu mategeko mashya yatangajwe na FERWAFA mbere y'uko Shampiyona ya 2020/21 itangira ku wa Gatanu, harimo ko

ikipe igomba kuba ifite abakinnyi 16 barimo n'umunyezamu kugira ngo yemererwe kwitabira umukino.

Ndayisaba E.

## Tour du Rwanda 2021 izakinwa mu buryo budasanzwe, menya inzira zizakoreshwa

K uwa 27 Uguhyingo 2020, ni bwo kabategura irushanwa rya Tour du Rwanda n'Ishyirahamwe ry'umukino w'amagare mu Rwanda 'FERWACY' bashyize hanze uburyo iry'umwaka utaha rizakinwa, amakipe azitabira, Abaterankunga ndetse n'inzira zizakoreshwa.

Tour du Rwanda 2021 izatangira tariki ya 21 isozwe tariki 28 Gashyantare 2020. Ni irushanwa rizakinwa mu buryo budasanzwe, buzaba ari bushya, aho by'umwhiriko hazibandwa ku ngamba zo kwirinda COVID-19, aho bizasaba ko nyuma buri gace amakipe yose azajya arara mu mujyi wa Kigali, akazinduka ajya aho isiganwa rizatangirira. Amakipe 15 niyo yamaze kwemeza ko azitabira Tour du Rwanda 2021: Amakipe y'Ibihugu (3): Rwanda, Algérie na Ethiopia. Amakipe yo ku migabane (7): Benediction Ignite Team (Rwanda), SAC (Rwanda), Pro Touch (Afurika y'Epfo), Bike Aid

(u Budage), Vino Astana Motors (Kazakhstan), TSG (Malaysia) na Medellin (Colombia). Amakipe yabigize umwuga (5): Team Novo Nordisk (USA), B&B Hotel (France), Androni Giocattoli (Italie), Total Direct Energie (France), Israel Cycling Academy (Israël). Andi makipe abiri asigaye azatangazwa muri Mutarama 2021. Inzira za Tour du Rwanda 2021 Agace ka mbere: Tariki

ya 21 Gashyantare 2021: Kigali Arena- Rwanmagana (ibilometero 115,6) Agace ka kabiri: Tariki ya 22 Gashyantare 2021: Kigali- Huye (ibilometero 120,5) Agace ka gatatu: Tariki ya 23 Gashyantare 2021: Nyanza- Gicumbi (ibilometero 171,6) Agace ka kane: Tariki ya 24 Gashyantare 2021: Kimironko - Musanze (ibilometero 123,9) Agace ka gatanu: Tariki ya 25 Gashyantare 2021:

Nyagatare- Kimironko (ibilometero 149,3) Agace ka gatandatu: Tariki ya 26 Gashyantare 2021: Kigali (KBC)- Kigali (Mont Kigali) (ibilometero 152,6) Agace ka karindwi: Tariki ya 27 Gashyantare 2021: Kigali (Nyamirambo)- Mont Kigali (ITT- ibilometero 4,5) Agace ka munani: Tariki ya 28 Gashyantare 2021: Kimironko - Musanze (ibilometero 75,3) SKol Brewery LTD azaba

ari umwe mu baterankunga ba Tour du Rwanda nk'ibisanzwe.

Iri rushanwa rigiye gukinwa ku nshuro yaryo ya 13, iry'umwaka ushize wa 2020 ryegukanwe n'Umunya-Erythrée Natnael Tesfazion, akurikirwa n'Umunyarwanda Mugisha Moïse ukinira SAC.

Kuva ryashyirwa ku rwego rwa 2.1, nta munyarwanda uraryegukana cyangwa ngo yegukane agace na kamwe k'irushanwa.

- Raul N.



*Umukino w'amagare ushimisha abantu benshi. (Photo/Net)*



Ubuyobozi n'abakozi ba Palast Rock Hotel, ikorera mu mu-  
jyi wa Nyamata akarere ka Bugesera bifurije Nyakubahwa  
President wa Repubulika y'u Rwanda na Madamu we, n'abandi  
bayobozi bakuru, abahagaririye ibihugu byabo mu Rwanda,  
Abikorera ku giti cyabo n'abanyarwanda muri rusange, Noheli  
nziza n'umwaka mushya muhire wa 2021.

Twirinde tunakumira Covid 19  
Umuyobozi



Ubuyobozi n'abakozi ba Volcano Express LTD, ikorera ingendo zayo mu Ntara y'Amajyepfo bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



Ubuyobozi n'abakozi ba ETS URWIBUBTSO NYIRANGARAMA, ikorera mu Ntara y'amajyaruguru kuri Nyirangarama bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi



## LA CROIX DU SUD

Ubuyobozi n'abakozi b'ibitara bya LA CROIX DU SUD kwa Dr. Nyirinkwaya, bikorera i Remera mu muysi wa Kigali bifurije Nyakubahwa President wa Repubulika y'u Rwanda na Madamu we, n'abandi bayobozi bakuru, abahagaririye ibihugu byabo mu Rwanda, Abikorera ku giti cyabo n'abanyarwanda muri rusange, Noheli nziza n'umwaka mushya muhire wa 2021.

Twirinde tunakumira Covid 19  
Umuyobozi

